

100/0211

Узбекистон







ИВАН ВАВИЛИН

*Кывбуръяс
Поэма*



Коми книжной
издательство · Сыктывкар **1973**

С (коми)

В 12

Вавилин И. М.

Кывбуръяс, поэма. Сыкт., Коми кн. изд.,
1973. 80 лб.

Коми поэт Иван Михайлович Вавилинӧс тӧдӧны да радейтӧны том и пӧрысь, быдмысь войтыр и олӧмаяс. Гижӧ сійӧ и челядылы и гырысьлы. Тӧдчана поэтӧн асьсӧ петкӧдліс И. М. Вавилин и сатира да юмор юкӧнын. Тайӧ книгасӧ артмӧдісны вьль кывбуръяс да «Сылысь пӧль» поэма. Книгалысь шӧр визьсӧ петкӧдлӧ сылӧн «Бурсиӧм» нима кывбур. Поэтыс бурсиӧ ас чужан мулы, муса вӧр-валы, уджач войтырлы, бур съӧлӧма зіль йӧзлы.

В $\frac{0743-012}{M128(03)-73}$ 32-73 М

ТЭ МЕНАМ ДОР И ШОР

Не сөмын друг — тэ менам дор и шөр!
Көть му пыр муна, кывйос ог босьт бөр,
Ог терпит скөнъ кыв нуом-вайом.
Збыль другасьом оз сотчы ни оз вей,
Пось сьолөмъяслөн коркө вунас мой
Кузь олөм поскод орччөн кайом?

А поскыс, көть и веськыд, вывтi крут.
Юр бергөдчис. И эн кө менө кут,
Быд тшупөд эськө увлань лыдди...
Но тэнад кивысь менам ки эз мын,
Мем тэсянь вуджис повтөмлун и вын,
Юр бергөдчөмөс эг нин пукты пыдди.

И вывлань, вывлань кавшасим ми пыр,
Өд улас сэн шуштөм оландыр.
Мед эськө сийө ми бөрысь эз вөтчы,
Кос кабырыс мед миянөдз эз судз,
Ми сөысь вожмалім и нырим мудз,
Но шойччан дум эз вола ньөтчыд.

— Эн пов,— мем шуин,— поскыс абу сись.
Зэв крут көть менам партиялөн визь,
Ог кежөй, мунам сылөн пасөд!
Ме гогөрвои сэк, сө муса друг,
Мый ассьым шудөс корсян туй эг дзуг,—
Дась кайны крут поссө көть дасөс!

Ас йывсыд ме эг кывлы тэнсыд висьт,
Но лолөн кылі нин — тэ коммунист,
Эг сорсы. Сьөлөм, вөлөм, төдө.
И со быд пятилеткалысь крут пос
Пыр кайим тэкөд орччөн рельсыяс моз..
А талун каям өкмысөдөс.

МЕНАМ МАЯК

Кужтӧмлунла кӧ джӧмда ли виньда,
Тӧда, нӧм кежлӧ сьӧдӧн оз ляк,
Вернӧй петан туй югдӧдас-индас
Менам партия, менам маяк.

Сылӧн став вӧсна сьӧлӧмыс висьӧ,
Кылӧ быдӧнлысь радлун и шог.
Ассьыс быд уджӧ пуктывны кисӧ —
Сылӧн вемӧдзыс йиджтысьӧм мог.

Кеслӧ тӧнӧ и менӧ, и асьсӧ,
Медым сюсьлун и сямлун век ёсь.
Ылӧдз индалӧ олӧмлысь пассӧ,
Менам татысянь синмӧй оз босьт.

Ас маяк вылӧ лачаӧн ола,
Синсӧ сы вылысь оз босьтлы лов.
Сылысь югӧрсӧ воштӧмысь пола,
Нӧм кӧть биысь ни ваысь эг пов.

Сійӧс вошта кӧ, мый лоӧ, зонъяс?
Оти кывийӧн кӧ, пом лоӧ мем:
Ловъя вылысь ме лоа сӧк шонъян,
Кувтӧг кула да орӧда нӧм.

АС МУ ДІНО КЫВ

Эз тәнө увтыртлы Россия,
Сы вылө элясьны оз ков.
Роч йөзлөн төлка, медбур пиян
Тэ ради пуктылісны лов.

И тэ он элясь, менам парма,
Эн өтнад вөв сэк дьөбсьыс дьөб,
Кор пукаліс трон вылын сарнас,
Код медся горш да медся бөб.

Сэк тэныд синмад сьөлавлісны,
Спесь чина шуліс:— Көвтөм му!
Вой муыд помысь чис ни пис ни —
Ош гуыд лоас век ош гу.

Но революциялөн гымысь
Пось гөлөс кыліс:— Тайө лөж!
Тэ весьтын кывйыс татшөм пымыс
Эз горавлы став нэмъяс чөж.

А горалысьыс вөлі Ленин,
Код сэк нин аддзис тэнсьыд вын.
Вождь отсөгөн тэ помөдз венін
Дзор морөс пытшсьыд нэмся кын.

И регыд нефтьлөн веж вөр пытшкад
Ен йиркөдз брызънитіс фонтан,
Эн этша тэ сы вөсна тышкась,
Мед нефтьөн мавтны ассьыд бан.

А газыд, тэнад чим лӧз вирыд,
Пыр видлалӧ выль оланін.
Эз прӧста веськӧд, дерт, став мирыс
Тэ вылӧ завидьтана син.

БУРСИОМ

Рөмыд вуджрасьö на расын,
Шондi корсьö петанiн.
Ме нин шуала:— Бур асыв!
Сэсся вöлись восьта син.
Луинас, кодi локтö-мунö,
Налы вичмöда «Бур лунöс!»
Чайтсьö, «Бур лун» кö ог шу —
Бергалöмсьыс дугдас му.

Шондi ассъыс туй кост рöдтöм,
Онi мунö мед кöть кыт...
Мортъыс тöдса кöть мем тöдтöм,
Ставлы копрася:— Бур рыт!
Весь оз шуны — бурöс сиöм
Сэтшöм жö, кыз лёкöс виöм.
Кыйсьывлö пö-й сямтöм зон,
Эм кö вежöра, бур пон.

Ывла вылын ыркыд лон,
Руөн вевттъысис веж сён.
Енэж вылö гожся войыс
Зэвтiс бисеръяса вон.
Бурсины мöй верман мудзны?
Шуи ставлы:— Бура узьны.
Узьны-шойччыны бур пöt,
Ставлы вöтавны бур вöt!

МЕНАМ СТАВЫС, ЭМ

Морт нэмӧс ассьым вуджны
Эм менам ставыс, эм.
Но колӧ сӧмын кужны,
Кыздз сійӧс вуджны мем.

Оз артмы мукӧд дырйи
Бур воськов вӧчӧм, оз.
И олӧмлӧн крут кырйыс
Сэк потшлас йӧйӧс моз.

Но Рӧдинаӧй менам
Дыр йӧйявны оз сет.
Крут кырсӧ сыкӧд вена
И водзӧ мӧда сэт.

Од сӧмын тайӧ муас
Став коланаыс эм.
Ме аслам нэмлы шуа:
— Тэ бурлун чужтысь нэм.

Сы сюрс пай дон ог сулав,
Мый сетіс чужан му.
И уджйӧзаӧн кула —
Мӧд кыв он корсь, он шу.

А кувтӧдз выныштчыла
Да вӧча на выль удж.
Дерт, ог во медся вылас,
А ланьтны сідз — ог куж.

МУЗАКӨД

Мөдiм, Муза! Ветлам мекөд.
Ветлам бур йөз ордө
Кыскө лолөй биа цехө —
Тырмас шөйтны сөрдөд!

Сөрдса пу көть вылын юра,
Енэж вевт көть пыкө,
Сьөлөм талун оз нин бурась
Аддзысьлам көть ськөд.

Мортлөн сямьс медся джуджыд —
Со мый меным колө!
Көсъя йөзкөд өтув уджын
Көртлы сетны олөм.

Медым ловъя моз жө көртыс
Нәмсө оліс-выліс:
Медым шоглун дырйи бөрдіс,
Гажлун дырйи сьыліс.

Мөд шуд корсьны меным некысь,
Некөн лов оз инась.
Шудсө петкөдас мем цехысь
Вирдалысь машина.

Кылан, Муза, кыдзи өні
Лолөй ськөд йитчө:
Со тай кывбурлөн быд сөнын
Радлун вөрөшитчө.

ПОСЬЛУН

Лёк кӱдзыд талун ачыс кыйсьӱ,
То сэн, то тані — шкув да шков!
Мый морсӱ эськӱ сійӱ лыйсьӱ?
Од, збыль кӱ шуны, морт оз пов.

Код сыысь полас миян кадӱ,
Кор мортлӱн пӱсьлун медся ён,
Кор татчӱс гавлӱн лӱз зарадӱн
Му мӱдар помӱдз лыйлӱ зон?

Мед видлас дурны ещӱ мӱдысь.
Мед сійӱ кӱдзыд. Месӱ — пым.
Сідз чабырта кын голяӱдыс,
Жаляддза ачыс бӱрддзас лым.

И шуа:— Пищальтӱ вай пукты!
Тӱд дурны кадыс эз нин коль.
Мед сӱсся ӱнӱ лыйлас Вуктыл:
Ружьеас вӱчам нин мӱд ствол.

Лёк кӱдзыдсӱ кыдз муас жмитӱ,
Дзик пыр жӱ лои шыч ни рач.
Трубаяс помся йитӱ-йитӱ
Да ошйыси: вот, мися, тадз!

Мем, мися, лёклуныд оз имит,
Тӱ, мый кӱть вӱч, а удж он дзуг.
Од пӱсьлун — менам друглӱн нимыс.
Вот тайӱ да! Вот тайӱ друг!

БУР ЙӦЗ РАДИ

Бур йӧзлы киӧ босьтантор
Ме кӧсий вӧчны ичӧтысянь:
Ас кежысь кодыр поми шор,
Мем чайтсис, сямӧй пом ни дор...
Ак! Мыйла таdzi ловнад шызян,
Кор он тӧд, сямьд петас кысянь?

Сӧк «пом ни дор», а талун мем
Оз тырмы сямӧй коланӧ.
И зэвтли сӧн, и зэвтли вем,
Кыккирудз эг пукавлы нэм,
Со пӧрысьлун нин мышкӧс синӧ,
А киӧ босьтны век на нинӧм!

Но йӧзлы киӧ босьтантор
Ме ӧни бара на со пана.
И коркӧ мыйкӧ ог мӧй дор,
Кӧть эськӧ кадыс, дерт нин, сӧр,
Мем чайтсьӧ, мися, удита на,
Йӧз водзас помӧдз ог на янав.

А ог кӧ шудӧс ассъым су,
Мем ӧна элясьнысӧ немьсь;
Кор менӧ босьтас ыркыд гу,
Сӧк оз-ӧ мӧй нӧ кодкӧ шу:
— Кӧть эз коль уна бурьис-эмыс,
Но миян ради мырсис нэмыс.

ЧУЖАН МУ РАДЕЙТЫСЬЯС

Ог корсяв райлысь енма шыяс,
Ен вылө ог веж весиг чаль,
А му выв олөмысь скөр гыяс
Мед венны — нинөм абу жаль.

Ас нэмö öтчыл найöс венлім,
Кор гомсянь помöдз йиркис му,
Сэк ставыс веськодь вöлі енлы,
Дзик некодарö кыв эз шу.

Ми чарлаястöг паськыд адас
Европа эрдын вундім сэк.
И таысь медыджыд награда,—
Мый öнöдз шудаöсь на век.

Кöть олөм чард моз кыз оз вирдышт,—
Сы сывйö кольö сэкся кад.
Оз чусмы вермөмнымлөн дзирдыс,
Ме шуа тайöс, важ салдат.

Тан коркö чужас дзик выль олысь,
И сэк на подвижным оз сім.
Выль мортлөн сэк на пузяс лолыс,
Кор кылас мянсьыным ним.

И шуда синвасö оз сайöд,
Мöд визьöд мөвпьяссö оз ну,
А мян йылысь шуас:— Найö
Збыль радейтлөмны чужан му.

„КАТЮША“

Коркө тшөтш жө мусукасылі,—
Таысь дивитны оз позь.
Сьөлөм дзайгис: сәсь ли, тась ли
Мун пө ыджыд муслун корсь.

Сетчи пуысь сьөлөмөйлы,
Сійөс нимкывйөн он өв...
Бөрас сідзи шогө вөйлі,
Ёрлі ачымөс сө пөв.

Врагөс нөйтіг кынмис пужтөг
Менам муслун, шуда пай.
Коньөр гөтыр пиөс чужтөм,
Сәсся шуөм:— Прө... прө... щай.

Он төд прөйдитас кыт рөкыд,
Олөмыдлөн кымын гыд.
Эскөй меным: вывті сьөкыд,
Сьөкыд нылавны кос кыд...

Нель во мысьт ме аддзи пиөс,
Мортыд, видзөда да, тшап.
Мырдөн сылы сета киөс,
Ме өд, мися, тэнад пап.

— Абу пап, а тэ —«Катюша»,
Төндзи висьталіс мем пөч...
Миномётчиклы мөй чушас
Татшөм ним, кор тадзи стөч?

Збыль ӱд «Катюшакӱд» бйӱн
Сотӱм вӱрӱглысь пѣж поз.
— Аттыӱ бур кывсьыд, шань пийӱ!
Шог оз сот нин воддза моз.

«Гортӱй тыртӱм,— чайтӱ сӱдзи,—
Тыртӱминад эн кӱть пыр...»
— Тӱ кӱть, пийӱ, шудӱс видзин...—
Кайта синва кутӱгтыр.

ПРОЛЕТАРЛЫ КЫВ

Отчыл бой дырйи Донбассын
Уси свастикаа асс.
Тайо парашюта ассыс
Няргис:— Ме... рабочёй класс...
Эк ті, мывкыд воштысь ассъяс!
Чөвтөй муодз пернапасъяс:
Босьтід Гитлерлысь бур пай—
Дзескыд гу. Сэн тіян рай.

Мод салдат, кор шедіс плено,
Шуис:— Шуд на уси мен!
Тода, немеч муын, сәні,
Пролетарлы збыльысь плен..
Эз кө важыс вылькөд сорась,
Эськө эг нин шывав-горав,
Вом тыр эськө босьті ва,
Скөнъ кө кулі пеж война.

Пыр на гөрө биа амысь,
Бөрөздаяс тырыс — вир.
Вирсө пычкысьыс Вьетнамын
Горзіс:— Тан ми дорам мир!
Личкас пөръясьысьёс кадыс:
— Ноко, нартлунысь, лёк адысь
Пыркнит-мезды став му шар,
Кывйыс тәныд, пролетар!

МОД ПЁТР

Помвиган, Полтава дорын
Кыдзи жаявлім, Петро?
Бойыс вöлі сэтшöм чорыд,
Чайтім, помыс оз нин во.

Содтöд конъяліс рöспута:
Быри сёян, лыйсянтор...
«Мыйöн врагöс пыкан-кутан?»—
Кыліс гөлöс норсьыс-нор.

Тэ сэк сувтін:— Абу жыннян
Миян юрным — öшны нем!
Ковмас видлыны сой вынъяс,
Чайта, сійö миян эм...

Тані тышкасьліс Пётр Первий,
Вöлі сойвына и ён.
Видлам, кодлөн крепыд нервыс,
Код тан ыж, а код тан зон?

Первой Пётр кө овліс коркө,
Вермас сідзкө-й лоны мөд...
Зырсьö враг, мый вöчан, моркөд?
Мөд Пётр йылысь оз на төд.

Сэсья-й төдліс, и оз вунөд,
Йөгсö новлөдлас сё во...
Меным сэсьянь кулан лунөдз
Другөн лонин тэ, Петро.

ТЭ ПЫР НА ЛОВЪЯ

Тадэ артмис тай. Сё лешак пызь!
Мем — ветымын, а тэныд — кызь,
А коркё тшотшъяясөн вöлим.
Дас öкмысабсь вöлим сэк,
Кор кузя ышлолыштим:— Эк!
Но пароходö чожа сöлим.

Дыр дзоргисны сэк нель гоз син,
Нель сьöлём воштисны лонин,
И помся öвтчисны кык чышъян.
Шог здукыс тайö оз вун нэм,
И чайтсьö öнöдз на пыр мем,
Ми быттьö нывъяссьыным пышъям.

Но öтитор зэв лои лёк:
Том мусук дiнад бöр эн лок,
И сынöд тэ гöгöр оз гöвкъяв.
А менам висьлö на жö дой,
Сэк öти войыс мем кык вой,
И зыртчылöны курыд мöвпъяс.

Эм обелиск. Ми кольöм во
Став сиктöн вöчим. Пöшти сё
Сы вылын тöдса нимъяс-овъяс.
Эг вунöдöй, эн сыысь пов,
На лыдын, шöрас, тэнад ов —
Йöз паметын тэ пыр на ловъя.

СЕЗОЛОТОЙ

Мед, дзоляник кӧ гӧгрӧс пызан,
Сы пыдди тӕчӧма зӕв кыза
Быд чӧскыдторсӧ Парась тьӧт,
Бур пыис лоӧ код и пӧт.

Мам-морт оз ӕмторъяснас ошйысь,
А пӧся корӧ:— Пийӧй, вошйы!
Кӧть пыис тувсов лун кодъ том,
Оз зырт нин кокнас кильчӧ пом.

Мам сьӧлӧм гусьӧникӧн кайтӧ:
— Кӧть ӧтчыд аддзывны сӕшайтӧс...
А сӕсся ловъяяслы моз
Винаӧн тыртӧ дзоля доз.

— Кык арӧн лолӧн тӕ тшыг пыкысь,
Сӕк кияс вылам кувлӧн кыкысь.
Ӕн тыш тан гымгис лун и вой...
Лок сӕкся пыддиыд кӧть сӕй.

Ӕн воływ лӕк кывӧн ме дӧнӧ,
Но смеллун тырмӧм коланӧнӧ:
Со тӕнад орден, кык медаль,
Дзор ӧтка мамы — шог-печаль.

Ӕн яндысь мамсыд, муса пийӧй,
Зӕв бура помнита на сӕйӧс:
Винаяс дорын вӧвлӧн вӧй...
А талун ю, сӕзӧлӧтӧй!

РӨДВУЖ

Ми янсалім, но тэнад син
Быд воськов менсьым аддзё тась.
А тэнсьыд пось уджаланін
Ме, ассьым моз, пыр видзны дась.

Кор мырсьё нев, тшөтш ыззьё чаль,
Кор өтвыв вөчан, оз су пик.
Стих отсалас мед пуны сталь,
А стальнас медым юргас стих.

Ме — тэныд век, а тэсö — мен,
Тадз öти дозйö чөжим вын.
Кор олём ради пансис вен,
Тэ кивьсь менам ки эз мын.

Наводчикөн ме вöлі кор,
Син пыдди вöлі тэд, бур вок.
А тэ эн вöv кö збой шофёр,
Эз вöv и менам тэрыб кок.

Эг юасьлöй: «Тэ тась-ö-сэсь?»
Öд ыдъясьöмысь бур оз чуж.
Ми тöдiм, оз öд шуны весь:
Сöветскöй рөдвуж — крепыд вуж.

Нель во эз куньлы синсö би,
Нель во эз такавлы гым гор,
Но крепыд вужйысь весиг сi
Эз ор. Кöть чишкасьліс — эз ор.

МУСА ПОЭТЛЫ

Мусá! Морт сьөлөмлөн поэт,
Тэ меным торйөн кыдзкө муса:
Пыр өзъян-ломзян, скөнъ он чусав,
Джаг гөрөд кытшысь мездмөм Муза
Тан ветлө тэнад. Вольнөй свет
Мөд пөрийө кедзовтны оз сет.

Нэм кежлө ёрөм Моабит
Му пырыс муніс миян лөгысь,
Пеж дявөл никтіс — вөрзис гөгыс...
А тэнад сьөлөмысь пось өгыр
Ас пытшкас иналіс гранит,
И видзө-лелькуйтө — оз жмит.

Ме кыла: ветлө тат и сэт
Палачлы сетчытөм тетрадыд.
Быд стыхысь мортъяммө юр садбыд,
И пины шуө, кылө, батыс:
— Мед көть и тэ он ло поэт,
Но ловнад татшөмөн жө пет!

Көть олөм сёысь вежлас киль,
Но сьөмөс нэмыс сөнөд сылөн.
Тэ сідз жө чужлін кувтөм вылө,
И мунан ылө на, зэв ылө,
Пыр өтмоз мывкыда и зіль,
Поэт-герой, Муса Джалиль.

КИ ЭГ ЛЭПТОЙ

Да тайё өмөй олөм-вылөм?!
Со кодкө бөрдө, кодкө сьылө.
И бөрдөдчан, и сьыланкыв
Дзык өттшөтш кылө став му выв.

Бур мелі кыв и сола ёрччөм,
И радейтөм, и лөглун — орччөн,
Отгудыр ставыс. Мый көть кер —
Он өв, кор швачөдчө көрт шер.

Од, збыльысь, тайё өмөй олөм,
Кор повтөмлункөд орччөн полөм?..
Вай ланьтлөй! Мый көть сэк эз вөв,
Ми ённим, сюсьмим уна пөв.

Да, ыджыд вөлі рытыв төлыс!
Эз эськө вен став му выв вөлыс.
А Рөдинакөд өтыв ми
Эг сетчөй, эгө лэптөй ки.

ВӨЛІ МЕДБӨРҖЯ ЗАЛПҖЯСА ТУЛЫС

Вөлі медбөрҗя залпҗяса тулыс,
Потіс енэҗын медводдза гым.
Ачым пукала пожом пу улын:
Сьөлөм ыркмуналө, бөр лолө пым.

Бөрыс гулыд и джуджыд, и сөстөм,
Мирын нималысь Венаса вөр.
Гашкө, збыльысь, а гашкө, и прөстө
Менам морөсө лолөй оз төр.

Думөн виччыся: петкөдчас Штраус,
Татчөс вөрыслысь ловзьөдас мойд...
Эз, эз Штраус, а локтіс том фрау,
Нөшта джудждөдіс сьөлөмлысь дой.

Нылыс сынөд пыр окыштчөм ыстіс,
Гашкө, вильшасис, гашкө, и эз.
Сөмын мыйлакө пытшкөсам быздіс,
Ори мөд пөрийө тыдавтөм вез.

Мывкыд сувтөдіс синтөммөм лолөс,
Кызди постывывса сюсь часөвөй:
«Гортад муслуныд кисьмө и олө,
Тэрмась сы дорө, абу кө йөй!»



Лоны враг водзын куканьён
Абу сьёлөмысь мем.
Верма сёйны и пу паньён,
Сёмын мездлун мед эм.

Миян йөрө кө биасяс
Врагён ыстөм салдат,
Пёрысь сөнъяса киясам
Кора тшөтш автомат.

Кодкө шуас кө:— Тырмылас!
Вуджөм туйыд зэв кузь;
Воча горёда:— Ныр вылам
Эг на дзикөдз ме усь!

Чайтад, збыльысь нин чездала?
Тадзтө ог на ме шу.
Бытгё ковмас кө, мезда на
Пөрнөй йөзкөд ас му.

Сёмын сиа ме мирыслы
Помтөм шуд да кузь нэм.
Ковтөм тышъяссө киритны
Вывті кёйыссьө мем.

Кыз став бур йөзлөн — сьёлөмөй
Корсьө другьяслысь ки:
Тода, отвылысь өлөмөн
Овсяс му сотысь би.

ВЕЖ СОРСА СЛУДА

Овлывлõны сэтшõм здукъяс —
Нэмкõд воча найõ.
Вунас õмõй коркõ, другъяс,
Кõть нин, шуам, тайõ?

Лов шы лэдзтõг ас вõр-ваõ
Вежавидзиг пыри.
Ачым ог на эскы таõ,
Сэтчõдз гажõй быри!

Шувгõ парма. Шыыс сылõ
Менам сьõлõм пыин.
Вõр лэдзысьлõн олõм-вылõм
Бара аслам кыин.

Нырим дзодзув синма врагõс,
Биõн оз нин пõлясь...
Эн, эн яндысь, муса ягõй,
Аддза, олан гõля.

Вайлы малышта рой тоштõ!
Мед кõть няньыд кача,
Нинõм вылõ ми ог воштõй,
Огõ воштõй лача...

Водзын тыдалõ веж сорса
Джуджыд-джуджыд слуда.
Ачым йõй моз помся горза:
— Шуда. шула, шуда!

БУРЪЯС, ЛОКТОЙ!

Буръяс, локтой, локтой-пырõй,
Овмõдчõй став керка тырõн!
Ог ме дõзмы õти войт —
Муса меным тiян койт.

Волывланныд мыйкõ шоча:
Локтой, пета тiлы воча
Любõй часõ, любõй здук,
Тiянтõг ме вой ог пук.

Дзирйысь дзирйõ восьта õдзõс:
Тi кõ танõсь — тõв оз кõдзõд
Менсьым керка, менсьым лов,
Йирмõг лишнõй здук оз ов.

Тi зев чигõсь. А вот лёктõ
Оз ков корõм, мырдõн локтõ.
Ачыс кõть тай син ни пель,
Аддзас паз и коряс цель.

Кора пызан сайõ, буръяс,
Нуръясъыштõй, сõстõм юръяс!
Лёклы мясянь — нянь ни пань,
Жõритнысõ — петлõ, шань!

Ловъя юрõн мынтõмторйõс
Дась ме õшõдны съõд сёрйõ.
Коркõ пежала кõ ки,
Ёна эн жõ вõйпõй тi.

СЯМ ЙЫЛЫСЬ КЫВ

Небыд кывйён вѳдитчыны
Енмыс меным абу шулѳм.
Медлѳк смертыс воас вины —
Сям век коляс чужан мулѳн.

Сійѳ сетіс ассьыс сямсѳ,
Сыысь он нин пышйы ѳні.
Вывті небыдсѳ да рамсѳ
Татчѳс вѳръяс ѳтдортѳны.

Менѳ пармаѳй эз малав
Чорыд кинас юрси нбылыд.
Сылы сѳтшѳм жѳ шуд-талан
Сетлѳм чизыр ывла вылыс.

Мый нѳ кѳть и татшѳм сямѳй,
Морѳсын ѳд эм на-й сьѳлѳм:
Быд бур йѳзкѳд волыся ме,
Сямѳй таысь войт оз ѳлѳд.

Оз шу некод, тѳ пѳ чорыд,
Небыдлун кѳть ветлѳ ылі.
Ог пов, юрга быдладорын
Вольѳм кер моз брунакыліг.

Со тай йѳзлы сьылан кыа,
Дыр нин корси подув утсѳ...
Чужан вѳр, эн ланьт, тѳ шывав.
Кѳть ме-й татчѳ пукта чутсѳ.

КЫК ОТСӨГ

Отпырйö — кык отсöг...
Босьтны эськö кодсö?
Мöвпыштлыны колö.
— Колö! — кайтö лолöй.

Первойяыс — сьöма,
Зарни чургöдöма.
Зэв кöть ыштöдана,
Аддза нин — кык бана.

Босьтан — нэмыд кезъяв.
Гуся, мустöм везъяс,
Он и тöдлы, гартас.
Ог босьт — киас варта!

Скөнъ оз дзирдав мöдыс,
Сы пыдди — бур рöдысь.
Банладор и гугыс
Сылөн öткодъ югид.

Зарниөн оз ышöд,
Оз сет озыр кышöд.
Немся водзöс кортöг
Вöчас тыр-бур мортөн.

Сьöлöм гурйыв восьта,
Сэтчö сййöс босьта.
Тöда, татшöм отсöг
Тэчö олöм подсö.

ПОРЫСЬ СТОЛЯР

Ок и сьökыд столяритны!
Лун оз прöйдит, оз кө видны.
Нем көть кийывсөн ог вöч,
Мыжтö аддзас менам пöч.

Дыдгö: нюв пö, нюв дивантö!
Первой другтö, Дзор Ивантö
Он пö, майбыр, дьöбö коль —
Гашкö, вöчан пу престол?

Аддзас, дольны кутас ассъыс:
Кутшöм друг пö тэд Юсь Васъыс?
Аддзысьöм пö бур сусед,
Сетін улöс — дон ни мед!

Кыдз пö тэ вылö он дöзмы,
Аслыд нинöм, ставсö йöзлы.
Выживмин пö, ок-ок-ок!
Быдöн тэныд друг да вок..

Месö дзик мöд думöн ола:
Аддза, войтырыслы кола.
Ловъя мортлы эг кө ков,
Сизимдасöдз эг жö ов.

Удж ог энöвт. Мед сэн эльтö!
Татшöм здукъясас ме пельтöм.
Ог сэк велав вор ни ком,
Пельтöммыла да и — пом.

ВОСЬКОВ БОРСЯ ВОСЬКОВ

Воськов воськов дінө содө,
Муна, кодыр мунсьö!
Тадзсö суöда ме кодöс?
Дерт жö, медбур лунсö.

Кöсиймыд мöй коркö пöтлас!
Бурсö, туянторсö
Пыр тай вемöснас и вöтнас
Из куд улысь корсьö.

Мекöд мурталö быд воськов
Мустафа Бакуысь.
Шудсö — лишнöй кыв тан оз ков —
Аддзис менам муысь.

Чужан муöй нач сё кывъя.
Вöлі кö важ барин,
Йöймис, дерт, кор босьтис сывъяс
Рочьясöс татарин.

Сывъясьöмсö эновтламоёй,
Мöдiм, мöдiм, вокъяс!
Ставныд тöдад, мыйла мамöй
Сетис мем ён кокъяс.

Мунам, корсям гуся пазсö,
Торкам мулысь унсö.
Перьям питшöгсьыс алмазсö,
Тшöтш и медбур лунсö.

ДРУГАСЬОМ

Морт оломыд быдлао нуло:
Звирк кыпöдлö, бöр лэдзлö улö,
Кöть стрöг зэв, но аддзан кö другöс,
Пыр нюммунас, шудтö оз жугöд.
Та ради ас му вомöн ми,
Эг ыдъясьöй, нюжöдiм ки.

Ме оломлысь тшöктöмсö кыла,
И компастöг муна, ог ылав.
Казбекöдз эг волы, а сьöлöм
Из сакляад гöститö, вöлöм.
А лов тэнад писькöс и том,
Тась корсьöма менсьым вöр чом.

Кор пасьталiн тулан ку пасьтö,
Здук кежлö тэ вунöдлiн асьтö,
А думыд сэк гөнитлiс татчöдз,
Бур вöчысьöс сьöлöм тшötш аддзö.
И син сайын,— дерт, тайö мем —
Тэ шоныда сиин кузь нэм.

Ме кыйсигтыр вынсялi-кисьми,
Но öтчыд нем виччысьтöг висьми:
Тэ чöсмöдлiн менö лимонöн,
И бöр лон важ дорсьыс ёнөн.
Лекарствоыд, дружба кодь бур,
Збыль, вöлöмкö, некысь оз сюр.

ВОКЪЯС

Ме веськалі Балканъясö,
Кор вокöс мездіс вок.
Сусед суседкöд панъясьö:
— Бур вок, ме ордö лок!

Яр шондісö быть прöститі,
Сэн быдөн сы кодь пöсь.
Ме мозыс эз на гöститлы
Ни öти ыджыд гöсть.

Пöсь дружба изйö йиджöма,
Он, вөрöг, сійöс ви!
Быд крежö кодкö гижöма
Кык кыв: «Добро дошли!»

Мед гаравлі кöть сёмысь нин —
Оз нитшсяв сэкся бур,
Кор асьныс татчö воисны,
Эз янды-й менам юр.

Веж сывсö налы паськөдіс
Лöз Мозын дорса яг,
А другим вайис аскöдыс
Болгарскöй мулысь флаг.

Болгарин-вок, ой, уджалысь!
И коми абу няр.
Ми костын кузь пос нюжаліс:
София — Сыктывкар.

Мед лёк морт увтчас-кулитчас,
Оз имит тайӧ мем,
Кор Дружба нима улича
Быд карын ёні эм.

КОСИОМ

Сё дивё тай: ракета вывсянь
Ме аддзи муысь сись вуж додь,
Со сысянь матын лажмыд пывсян,
Сьод пывсян сэн — сардырся кодь.

Мый та вылө тэ шуан, Муой?
Нэм джынйö сюйсисны кык кад...
И бара выльтор, дзык выль юбр:
Ен тупкөм ассьыс рай и ад.

Зэв тайö бур. Но вывті мустөм:
Войналөн гымалö на ен.
Кад көртвомавны сійöс, трустöс,
Көрт морöс шöрас лыйны — дзен!

Морт öблик воштысь йöзыс эм на,
Скөнъ налөн вежөрныс оз сод.
Дзык быдтор аддзылан тай нэмнад:
Ййöй кось и мирнöй луноход.

Нэм джын, а орччөн кык эпоха,
Неммиритчытöмось кык мир.
Ме чайта, важыс дыр оз лёкав,
Сись сöнын дугдас ворсны вир.

Сэк горöдам:— Эй, марсиана!
Тан оз нин некод косясь, оз.
Вай тiянкöд тшöтш дружба панам
И кутам овны другъяс моз.

АС МУЛОН ПАСЪЯС

Сикт гөгөр гижтөма веж джу
Дзор пармалон вортасыс,
Да тайо жо ас чужан му,
Ас мулон тодса пасыс.

Но талун ог нин эскы, ог,
Мый татшом чужаниной.
Пыр кезюдло и лоло шог,
Кор кодко важас синю.

Весь тормом мегырто эн син!
Од карьясын и расын
Сконь лыдтом син — электро син:
Со чужан мулон пасыс!

Ой, дивья, дивья овны тадз!
Пес диню ки он пуктив:
Став сыктивкарсаяслысь пач
Кыв шутог ломто Вуктыл.

Машина пыдди важ купеч
Пыр вайлис симом перна.
А талун аддза тась и сась
Му вый тыра цистерна.

Важ джуас чужан му оз тор,
Быть паськод сылысь джусю.
Выль паса бияссю веж вюр
Ни вой, ни лун оз кусод.

МУЗА ЧУКСАЛІС ӨТЧЫД

Муза чуксаліс өтчид,
Шуис:— Тә кө поэт,
Шонді бөрсяис вөтчы,
Кутан ләбавны сәт.

Йёзыс шулёмны коркө:
Медся чөскыд пө ун.
Шуөмторсө көть торкан,
Войт эн падъяв, а мун!

Сывны асывалы гимнсө
Мекөд өтлаын пет.
Медбур луныслы нимсө
Медся мичасө сет...

Восьтис өдвөссө асыв
Локтысь луныслы — гув!
Сәк ме ловзыйлі дасысь,
Быть өд унмыдлы кув.

Сөмын некор ог бөрйысь,
Кутшөм лун медся бур.
Кадлөн абу көть ньөрйыс,
Вөтлә. Сыкөд он дур.

Уджө самасис сьөлөм,
Эз судз шондіөдз борд.
Ставыс сы сайын вөлөм,
Мый ме мувыкса морт.



Чомөр сёйны ме ог мун,
Овсьой, весьшөрө эн корёй.
Аддзад, кыпыд уджа лун
Локтө ылісянь ме дорё?

Төда, некод кыв оз вудж —
Чомөрсө өд перйим асьным.
Топадіс кө өти удж,
Чайтад, позьё-й чомөрасьны?

Сёян чомөр — сідзкө, пом,
Тувсов кадыд кості төлас.
Месө, абу нин көть том,
Варччыла на мөдлапөлас.

Эновтлам вай чомөр доз.
Бурджык — туйсө томлы сетам,
Коді аски миян моз
Уджсө мыркны татчө петас.

Менсьым чомөрөс оз сёй,
Том морт мейсь унджык пуас.
Ковтөм кывъяс ме ог кой,
Водзвылысь кө аттьё шуа.

МЕМ СЭНІ ОКОТА НА ОВНЫ

Мем сәні окота на овны,
Көн дзикөдз сөстөммас морт ловным,
Көн завидьтөмысь мездмөм син
Оз кут нин корсьны ыджыд чир

Зэв окота на мунны сэтчөдз,
Көн мортыс оз төд усьөм-чеччөм,
Көн ас дор зільысь дурмөм юр
Мөд мортөс оз нин гусьөн пур

Мем сәні овны окота на,
Көн некод дзик оз ло кык бана,
Көн мортлөн көсьйөм, шуөм кыв
Оз некор бакшась ни оз сыв.

Мем сәні окота на овны,
Көн суклясьөмысь оз ков повны,
Көн туйсө помөдз воштас лөж,
Кор сылысь тальыштасны бөж.

Мем сәні овны окота на,
Көн ёртыс ёрт вөсна оз янав,
Көн өтвесьтынөсь выв и ув...
Ме көсья, сэтчөдз мед ог кув.

Мед кувяс первой бөрья нювсьысь,
Сы водз вылын ме ог, ог кувсьы.
Коть коммунистөс ен оз видз,
Но көсья, медым лоас сідз.



Бурсиа тэд шонді бердсянь,
Кодзувьяса эрдсянь,
Век мед олас налөн дзирдас
Бур сѳвет да, мир да.

Тэныд бурсиа ме вѳрсянь,
Ялаа яг шѳрсянь,
Сиа вѳрса пуыс судта
Кыпыдлун да, шуд да.

Тѳв-поз-излөн сигѳр йывсянь,
Сабля гѳра вывсянь
Сиа налөн мыгѳр джуджда
Сямлун да, бур удж да.

Тэныд бурсиа ме васянь,
Ылісянь и тасянь,
Сиа саридз ваыс мында
Ен эбѳс да, вын да.

Ещѳ ас мусянь ме сиа —
Пежторъяссѳ виав,
Мед тэ нэмыд ас му мозыд
Ловнад лоан озыр.

МЕДСЯ ПРАМОЙ

Джѡм, джуджыд керѡс. Лѡкчим ю.
А керѡс йылас — мамлѡн гу.
Мем тайѡ местыс медвежа,
И вежавидзиг сѣтчѡ кежа.

Дас кык на сѣки вѡлі мем,
Кор татчѡ дзебсис мамлѡн нѣм.
Ми ськѡд висим быдса тулыс,
Ме со эг кув, а сійѡ куліс.

Водз асыв локта кѡть рытсѣр —
Пыр чужѡ тан казетылантор:
То гажыс восьтылас лист боксѡ,
То сьѡлѡм гарыштлас важ шѡгсѡ.

Со ѡти серпас: ыджыд чой
Мем кыськѡ вайис нѡгыль сѣй.
Ме сѣйсѡ виччыси зѣв дыр нин,
И пыр жѡ босьтчи вѡчны гырнич.

Дыр мысти артмис лѡсьыд доз!
Сѣк мыйкѡ чеччалі чирк моз —
Дзик первой радлун вайи аслым,
И чайті, тшѡтш жѡ-й гырысьяслы.

Бать босьтліс кнас, сетіс дон:
— Сѣймонь тѣ, а ме чайтлі зон!
Эк! Аддзѡмыд ошійысянтортѡ...
Да, ме жѡ быдта кыйсьысь мортѡс!

И виччыся, мый шуас мам...
Эз бать моз менсьым донъяв сям —
Сей дозийос пачын ѓжигайтис,
Став светсьыс ошкан кывсѓ кайтис...

Кыздз янсѓдчигѓн мамлы пи,
Гу вывлань мыччи веськыд ки,
Зѓв пѓся шуи:— Прѓстит, мамѓй,
Тѓ меным век на медся прамѓй.

КЫЛОДЧОМ

Мый нө, майбырөй, лөнъ дырйи-д
Исковтөдны пуртө.
Узян кызди гортса жырыын,
Он көть лэптив юртө.

Менө суис скөр поводдя —
Вой төв чашийс юсө.
Он кө ставнас вынтө доддяв,
Сьөкыд пай тэд усьө.

Час дай мөдөс помся сына,
Греблысь бөрдөм кыла.
Төлыс сө пөв мейсь вына,
Зырө лыа вылас.

Тан эг сетчы. Водзын — полой
Төлыс сылань нбылыд.
Бара венө пырны колө,
Пурйөс мед оз нбылышт.

Вын эз тырмы. Полой нырдө
Төлыс пурйөс вартіс:
Полой сійөс кыскис мырдөн,
Сыктив аслань няртіс.

Ормөн зэлаліс джаг гөрөд:
Кодыс венас кодсө?
Сыктив юлы ме да вөрөт
Лунтыр сетім отсөг...

Важсö гарыштi со тайöс,
Вöйпöй кöть тi энö —
Мортлы-й öнi шудсö вайö
Сьöкыдлунъяс венöм.

ОВСЫ, ДРУГО, ОВСЫ

Овсы! Менам нимлун ради
Эн вай лэпты ковтом звон.
Висьтав, эм кө юрад садьыд,
Мыйон нимавлі и кон?
Кыдзи ангелъясос важ йоз,
Эн жө лэпты коть енджаджйо.
Ассьыс бөръя лунъяс сэн
Мед нин отнас ружтас ен.

Квайт дас ар пө... Ыджыдтор тай!
Сөмын во лыдыс и эм.
Эг кө вөвлы — ассьыс сёртас
Тадэ жө вуджис кызьод нэм.
Революция эг вөчлы.
Мый ме вөчлі? Гөрлі-көдзлі,
Ещө, помнитсө кыдэ мем,
Лэчъяс октавлі жө көчлы,
Быть од сёянтортө кый!
Тайо подвиг али мый?

Сійо абу на жө көзыр,
Мый ме шпальяс лөслі тан.
Аддзөмыд пө, — шуас йөзыс, —
Ошкантортө — шондібан!
Фронтсянь вермысьөн кө вон,
Чайтан, ме и эм геройыс?
Код нө тэныд эскас, код?
Врагос вермысьыс — народ!

Юмов сёрнитö вай помав,
Менö тöлк вылысь эн дзуг.
Немсьыс ошкан да, быть вомав,
Кöть тэ-й менам матыс друг.
Эн, эн ыдждöдлы пöвтөн!
Оз нин нюм, а бöрдём петö:
Кывбурьясын — мич ни сер.
Жаль, мый вошти лэчыд чер.

КОДЫР МИРЫН КӨНКӨ ЗЫКА

Кодыр мирын көнкө зыка,
Кывзысигөн лолөс пыка:
Мед быд шылысь кывны горсө,
Коді кодарланьё ворсө.
Кыла кө лөж меліасьём,
Сәки колө лоны дасьён
Чорыдлунысь видзны асьтө,—
Чайта, бурджык лоас тадзтө.
«Быдөн ас вылас көзяин»,—
Шулывлөны саридз сайын.
Видзөдан да, тадзсө шуысь
Ыджыдалө нин йөз муын.
Оти думөн шула эськө:
«Сэтчөдз төждлунтө эн веськөд,
Мый тэд майшасьны ас кежысь?»
Рөдиналөн крепыд крежысь». —
«Лёкыс матын көть мед ылын,
Век жө миян му шар вылын.
Керкатор он видз пөжарысь,
Вермас сотчыны став карыс.
Вельмөмъясөс повтөг сувтөд!
И не сөмын өшинь увтө,
Видз тшөтш тэ и карта сайтө»,—
Тадзи мөд дум меным кайтө.
Катласьө на мирлөн утыс.
Тэ кө збыльысь олөм кутысь,
Лөктор мед эз су, эз вөтөд,
Ассыд пороктө эн көтөд.



Пöшти быд лэбач зэв сьылысь,
Гольгана кыв-вора.
Чайта, гижан кö на йылысь,
Кывбур лоас гора.

Муні вөрö. Эм нин тема.
Кыла сё ног чипсöм.
Ставыс бур. А вот проблема:
Корсьны прототипсö!

Рака сьёлöмсяньыс кравзö.
Адöй, кырныш ыжда!
Сылысь артышти ме ставсö,
Эг босьт — горш да, дыш да.

Со и тивзö кылö кеня;
Бес мед сійöс лыйö!
Сы вылö эм ыджыд пеня —
Йöзлысь лэчъяс кыйö.

Камгö сизь. Мем кывбур визьö
Босьтны гажöй петö.
Босьта кöть, но уджач сизьöс
Сизьдiсны нин метöг.

Сэн на, вöрас, бур мöвп чужи:
Мыйöн вои гортö,
Гижан темаöн бöр вуджи
Лэбачьяссиянь мортö.



Суседлөн өдзөс өти паса,
Көть лун, көть вой — век роска таса,
А мукөд дырйн овлө-й зыр,
Дерт, сы могысь, мед морт оз пыр.

Од бура аддзан — гортас ачыс,
Трубаөд тшынсө вөтлө пачыс.
Збыль тадэ! Но пос помсянь быть кос
Кор туйтө виджадалө рос.

Йөз муөдз коркө ачыс волөм,
А орчөн олысь мортысь полө.
Туй морт кө вөзйыяс — ой, ой!
Оз лэдэ. И ачыс оз узь вой.

Кыз тадэсө тіравны оз дышөд,
Быд мортөс өмөй чайтө шышөн?
Збыль эм мөй сэтшөм озырлун,
Мый ради чашйө ассыс ун?

Ой, висьөм тайө, сьөкыд висьөм!
Пыр ловья нисьө, кулөм нисьө
Ас кышас йөршитчөм горш лов.
Оз, татшөм йөй олөм оз ков.

Ог узь и ачим мыйкө вой-мөд,
Суседөй вөсна сьөлөм доймө.
Кор орчөн татшөм йөйыс эм,
Тшөтш кызкө абу лөсьыд мем.

МЕД МИЧА, БУР МӨВП СЕТНЫ ТЭД

Мед мича, бур мөвп сетны тэд,
Ме өти визьбод муні дасысь,
Но мөвплөн эз на чуж вирпасыс,
И век на сійө важ кодь блед...

Дыр пуис вем, эз куньсьыв син,
Со мөвпын вуджрасьö нин серпас,
А серпас вылас быттьö керка,
Көн тэнад югыд оланін.

Ме видзöдлі, мый вöчсьö сэн.
Тэ ордö пыри чига-чига,
Тэ лыддян кывбурьяса книга
Эв гораа, тшöтш быттьö-й мен.

Вот тайö абыль вылö поэт!
Мөйдвывса дивö кодь кыв-ворыс,
И мөвпыс джуджыд мелөн дорыс —
Кыз татчö ышловыд оз пет!

Кöть ышловзи, но эз усь лов,
Од вирöй пöсь на, эз на йизы.
Ог лэдз, ог лэдз, мед кывбур визьын
Эз мыччысь сійö, мый оз ков!

А сэк, кор дзикöдз муна тась,
Тэ корсьлы кывбур визьяс костыс:
Эз öмöй өти кöть сэн поздыс
Пöсь сьөлөмлөн, бур мөвплөн нас?

ПИЩАЛЬ

Ой, пицаль, пицаль, дона ёртõй!
Тэ водзын менам ыджыд грек.
Ог некор нуодлы нин сёрдõ:
Горт олысьяс ми тэкõд век.

Ним коркõ кыкнанымлõн вõлi,
Яг шõрын шыалана ним.
А õнi миян вылõ сõлiс
Да нем жалиттõг сёйõ сiм.

Тэ менам кывъясысь эн повзъы.
Мый керан — тайõ збыльысь сiдз:
Ни тэд, ни мем ен оз нин ловзъы —
Век кежлõ пуксис ыджыдвидз.

Ми горт олам, а кадыс мунõ:
Лякбадьõн бурдiс чõс туй визъ;
Мем кыкнан кокõ пõрысьлунõй
Кõрт кõвйõн кõрталiс съõд из.

Ме эськõ важõн нин зэв силi
Кык нэмлысь тэныд юкны шуд:
Бур ёртõн тшõтш мед лонн пылы...
Но лыйтõм пõtкатõ он кут.

Фронт вылысь, мнся, пиõй воас...
А усьысьыд оз, вõлõм, во.
Ме тәнсьыд шогтõ гõгõрвоа,
И тэ тшõтш менсьым гõгõрво.

ВЫЛЬ ЧУЖЫСЬЛЫ

Тэ талун локтін нин роддомысь,
А, сідзкө, вуджин дзонь туй кост.
Морт коркө лоас на тэ помысь,
Дерт, лоас! Сытөг төлк оз босьт.

Но мый нө чукрасян, детина?
Эн маитчы, а ов да ов.
Семья көть ыджыд, тэ тшөтш инан,
И аддзан удж, кыз корас лов.

БУР ТУЙ ТЭД, ЛЫШКЫД БАГАТЫР!

Сэзь лунё — кельыдлөз эмаль,
А бушкала кө, лэптан еджыд бурысь,
Тэ овлан ворсөдчысь и нарта дурысь,
Дерт, ставсьыс таысь унджык бурысь,
Өд тэнад нималё быд чаль.
Сы вöсна-й вöйпны тэнö жаль.

Тэ вына ю, тэ багатыр.
Мед көть и тадз, ме вöйпи эськө,
Мильтоньяс кубөн вөр эн лэдз кө,
Туй визьтö бурлань эн кө веськөд,
Ок, вöйпи эськө дыр на, дыр,
Кын, көдзыд ловтö ёрнгтыр.

А талун тэ медшоныд ю,
И, позьö шуны, кыпыд гора,
Из шом бассейна дзор Печора,
Тэ талун медся том кыв-вора.
Оз прöста став сöветскöй му
Выль жемчуг юөн тэнö шу.

Зэв радейта и кывза пыр
Збой, тэрыб суднояслысь койтöм,
Мем муса зэв нефть көра вой төв,
Став гыркöй нимкодълунөн ойдö,
И шуа синмад дзорнгтыр:
— Бур туй тэд, лышкыд багатыр!



Йой арлыднад тай кокныдасьлан,
Став правдаыс сэк сөмын аслад,
Тэ өтнад сөстөм, өтнад ен,
Дзик немсьыс панан ыръян вен.

Ме вөлі бригадир — ус-тоштөм,
А председатель матө воштө:
Эн узь нө, няньтө войнас варт!
Ак, шуа, ёна жө тэ нарт.

Вир петтөдз сэссия вензи өтчид,
Став вөлөсть тырнас горзі:— Ньөтчид,
Дзик ньөтчид татчө бөр ог лок!
И сиктысь пышйи лёксьыс лёк.

Том сьөлөмс, дерт, дойдны дойді,
Но эз ло сідз, кыздз мойдсьө мойдын,
Эг вудж ме өкмыс му ни ва —
Кок бөрө тальыштис война...

Из нопсө нель во кыски сылысь.
Со шонді нюммуніс нин выльысь,
И сылы воча нюмдіс мир,
А менам век на пессьө вир.

Ой, сьөлөм! Лолөмыд тай кыськө..
Ас сиктө кыскөмөн и кыскө.
Но сэтчө кокныда он кос,
Кысь ачид коркө жуглін пос.

Сө смертьлысь ыршасьөмсө вені,
А өні ещө сьөкыд меным:
Тэ, мися, көні шөйтан, смерть,
Мый меным паныдөн он пет?

ЛЫДПАСЪЯС ЙЫЛЫСЬ

«Эк ті, лыдпасъяс, кос жельяс!
Тіысь радейтчѳм он кы.
Сѳмын сьѳдмѳданныд пельяс,
Онѳ лэдзлѳй мелі шы».
Тадз ме вѳйпсьылі, а натѳг
Нем оз артмы, вѳлѳм, татѳн,
Тайѳс казялі ме кор,
Сувті лыдпасъясладор.

Со тай лыдпасъясыс вылѳ
Вой-вой дзоргѳ инженер,
Лолыс артасьѳ и сьылѳ,
Сьылѳ налыс мич и сер.
Тѳчѳ планъяс, тѳчѳ смета,
Видзѳдан да, кар сѳсь петас.
Сѳссия-й кылас улич выв
Выль кар йылыс сьыланкыв.

Олѳм серсѳ лыдпасъясѳн
Тѳдмавлѳма-й миян вождь.
Лыдпасъясыс серти пасйѳм
Сѳкся кадлыс быд туй вож.
Лыдпасъясыд индалѳны,
Лѳкыс вужъясѳма кѳні.
Найѳ-й ѳні миян тан —
Олѳмнымлѳн рѳмпѳштан.

ТАТШОМЫС ДЗИК ОТИ НА

Яр кодзувъяслөн мойд кодь кытшын,
Ме ног кө, Мулөн пай медыджыд:
Од миян дзор планета
Морт рөдсө чужтіс светас.

Нач тасянь петіс мортлөн рөдыс,
Но тайё өти шуд. А мөдыс?
Мөд шуд, мый Му выв мортыс
Став олан туйяс сёртіс.

И мортсянь чужисны народъяс,
Ас муяс лөсьөдісны кодъяс.
А талун нин сё саяс
Планетаса странаяс.

Зэв бур, мый чужсьылёма тані,
Көн Ленин выль Му восьтіс-паніс.
А тайё шудыс — коймөд,
Морт сьөлөм мыйысь збоймө.

И өні на со збоймөм лола
Пыр тані уджала да ола.
Лов серти татчөс сынөд,
И синмөс нем оз тшынөд.

Мем век Сөветъяслөн странаыс
Тан лоас медся туянаыс:
Од татшөмыс дзик өти на —
Дзик өти менам Рөдина.

ОВЛӨ — СЬӨЛӨМ СЬӨДАСЬЛЫВЛӨ

Овлө — сьөлөм сьөдасьлывлө,
Кодкө быттё кисьтас са.
Мыйон мыськан? Гашкө, нывлөн
Сюрас бурдөдчан сөдз ва?
Татшөм здукас мелі шыяс
Кысь мый веськалө ме кыя.
Пөрысьман да йөйман он?
Век на чайтсьө, мый ме зон.

Немла гаравны, дерт, нывсө...
Кутшөм али нин мем ныв,
Кор нин смертьлөн локтөм кывсьө,
Кор мем сетсьө бөрья кыв.
Сөмын дөзмыла на сэтчө:
«Бөрья кыв пө өд со сетсьө!»
Пуксьыла кө эбөсыв —
Петкөдла на бөрья кыв!

Пета, йөзыс бөрся вөтча,
Аддза налысь гажа койт.
Төждлун чужөманыс төдчө,
Шоглун некөн абу войт.
Налөн зумыдлунысь, мичысь
Сьөлөм вылын бөр нин личыд:
Мыйла сійө лоліс сьөд,
Онi ачым нин ог төд.

КОМИ КНИГАЛЫ

Бур лун, бур шуд тэд, коми книга!
Нэм джынйысь дыр нин другъяс ми.
Тэ пасьнин пемыдлуналысь иган,
Выль кадлысь пестін югыд би.

Ми тэкөд олөм тэчны петім,
Эз лигышмуналы зумыд сой,
И ыджыд уджын сьөлөм сетіс
Тэ ордө овмөдчөм герой.

Быд пöльлысь внукöс, бательысь пнöс,
Кор налы тырö сизим ар,
Мам моз жö кутö мелі киöн,
Кузь туйö петкөдö «Букварь».

А сэсся кыпыда ас кывйöн
Тэ налы восьтан паськыд мир,
Мед кодзувъясöс босьтны сывйö,
Мед океанлысь венны йир.

Тэ вайин татчö «Шонді югөр»,
И нышйис Коминысь сьöд вой.
Век кезлö сэксянь лоин другөн,
Роч книгаяслөн ичöt чой.

Тэд таысь копыр, медпöсь чолөм,
Быд лыддысьысьсянь аттьö кыв.
Нэм бöрся нэм пыр югдöд олөм,
Йöз шудлун вылö ов да выв!

СЬӨЛӨМЪЯСЛОН ЙИТОД

Чөрт, гашкө нө, ликтис —
Выль веськөдлысь воис.
И уналөн сиктын
Эз узьсы сэк войыс.

Мөд асывнас чеччи
Да кыла быд вомысь:
— Мый чөртла ми сетчим?
— Ой, кысь нө «джыдж» помысь!

А сийө, кыз шусьө,
Пыр доддялис кадсө,
И шамыртис сюся
Удж нуодан ладсө.

Оз шенасьлы киён,
Оз лэптывалы гөлөс,
Но лов шытөг сийөс
Тан кывзө дзонь вөлөсть.

Бур войтыр дор тадзи
Став сьөлөмнас сетчис.
Йөз сьөлөмысь ачыс
Эз, зонманой, лэдзчысь.

И видзөд жө, видзөд,
Кыз мортъяммис «джыджыд»!
Көть ачыс и ичөт,
А мывкыдыс ыджыд.

СОВЕСТЬ МЕНӨ ЙИРО

Паськыд менам ывла —
Йёзыс бурсьыс бурёсь.
Пёчёлань и нывлань
Копыртыштла юрөс.

Войпантор ог казав,
Сөмын — ошканторсө.
— Шапка пельтө разав!—
Пытшсянь кодкө горзө.—

Кылан, лёкыс эльтө:
Гижысьыс пö пельтөм?
Со тай! Кывзы сюся,
Кок йывсьыд эн усь-а.

Збыль тай лёкыс броткө,
Став бур думөс торкө.
Кодкө вылө кодкө
Герчкө: «Сюрлан коркө!»

Лёклы мөд лёк паныд:
«Чега сьылдзиртө!»
Збыль тай, мися, тани
Тшыкөдасны виртө...

Морөс пытшкын бара
Кодкө вөрөшитчө.
Бара важсьыс яра
Ме вылө со видчө:

— Паськыд тэныд ывла —
Быдтор сэтчө төрө.
Сэтшөм кывъяс кывлан —
Лолыд весьөпөрө!

Кывлн, да эн вомав,
Ещө-й шусян мортөн!
Вомсьыд мустөм томан
Пыр жö шыбит сёрдөдз!..

Гөгөрвоис сьөлөм:
Сөвөсть менө йирө...
Мыйла ме эг өлөд,
Скөралө тшөтш вирөй.

ЭН, ЭН ВӨРӨД!

Эн, эн вөрөд визув шорсө,
Ме моз радейт, а эн кырөд.
Сэни менам кымын воргөм!
Сэни менам ичөт дырой.

Со и ёль. Тэд бара доля:
Скөнъ эн гудырт сэсь сөдз васө!
Менам сэни, джуджыд ёляс,
Шогысь бөрдлөм синваясөй.

Эн жө-й нетшкы видз вув дзоридз
Маөн өвтысь гожся луиө.
Вешйм ылөджык сы дорысь,
Сийө менам долыдлуной.

Мича кузь чышьян эн лякөсьт,
Сийө — память мамой кузя.
Дона мамлы эн вөч пакөсть,
Мед нин лөня-лөня узяс.

Вешйы сэсь, эн вошты садьөс!
Эн, эн гөрышт джуджыд нөрыс.
Сэни куйлө менам батьөй,
Коді кувтөдзыс пыр гөрис.

Кольөн сьөктаммөм сус пусө,
Вежыд петө көть, эн пөрөд!
Тайө сус улас, кыда шусьө,
Менам муслунаөн пөсь гөрөд.

МЫЙЛА МЕ СЭТШӨМ?

Немсьыс гөрдөдлывлө бандзиб.
Мыйла? Ог төд ачим.
Сэтчөдз өдөлитлас яндзим,
Быттьө сотча пачын.

Весиг арся кыммөм петшөр
Мукөд дырйи сотө.
Мыйла нө ме эськө сэтшөм —
Ола векньыд отөн?

Быттьө кодкө водзын мыжа:
Ва кө вуджны ковмас,
Медся бөрын пыра пыжас
Вежавидзысь ловнам.

Уна пөрийө вөвлі сідзи:
Чөскыд ырөш пуа,
Бара жө и вежавидзиг
Пыдөссө нин юа.

Тадзнад тадз, а ковтыстөмөс
Изала и ёра.
Сэк жө пөрчча бөръя көмөс,
Көмтөм морт кө корас.

Кодлысь юасьнысө мөдан.
Мыйла татшөм этшөй?
Ог нин юась. Оні төда,
Ачим, ачим сэтшөм.

СУВЕНИРЪЯС

Мый вöчан — овлö-й сэтшöм здук,
Кор öтласьлöны вöt и вемöс.
Збыль сэтшöм здукъясыс öд эмöсь,
Ме найöс тöдлi нин ас нэмö,
Кыз öтчюд — лыдсö кö эг дзуг —
Сё муысь воисны сё друг.

Кöть кадыс вöлi тöv шөр тöv,
Пыр менам пöсьмунi став вир-яй.
Кор öшинь улысь восьтi дзирья,
Быд кнысь аддзи сувенирьяс:
Со зарни бисерьяса ньöv...
Да мыйыс сöмын сэн эз вöv!

И кылiс саблялөн сöдз звөн —
Кавказса козин Хас Булатсянь.
А кодкö кайтö:— Татчань, татчань!
Быть чуймы, татшöмтор кö аддзан,
Ме горöдi:— Тэ, енмöй, көн?..
Индеец вайöм быдса слөн!

И вöчлi жö ме сэки пир!
Вой саридз мында юим сурсö,
Сё кöрлысь налы сетi сюрсö,
Быд гöстлы сии ме быд бурсö:
— Мед олас медбур сувенир —
Став му выв войтыр костын мир!



Эн чайт, мый тэ кё лэдзан вёр,
Став уджсьыс тэнад уджыд съёд.
Босьт татшөм мөвпястё, босьт бёр
Да астьё нетшкыны эн мёд.

Мед эм кё мөдлөн ыджыд чин,
Мед вөчө сійё еджыд удж.
Эн завидьлунён озты син —
Лөж завидьлунлөн гөгийыс руш.

А ме тай скөнъ ог вежав, ог:
Быд морглөн кутшөмкё да сям
Дерт, дөзмывла жё, оти ног,
А мёд ног овла рамсьыс рам.

Да, кыскывліс жё енэж от,
Дыр мыйкё думой корене сась.
Көть мевсь эз тай нет шлот,
Но таысь ачымёс ог нес.

Дзик быдён вуджё асьыс кёдж,
Эн мантчы, а уджтё кер.
Кер бунтьяс костын чужлө тиөтш
Поэзиялөн мича сер.

Не вөчны-й мем став көсиймтор.
Көть найёс вөчтөг кусас нэм.
Но век жё нимкодясьла, кор
Бур көсиймторйыс менам эм.

БАТЬЛОН ВИСЬТЫСЬ

«Том дырйи полөмтө он кыв...
Сэк сөмын казялі, мый польсь,
Кор джугіс менсьым пельпом выв
Йөз муө мунан ноплөн волюс.

Ас му кө эновтан, быть пов:
Сэн лоан быдөнлы мөд рөдысь,
Гаж бырөм виас тэнсьыд лов,
И оз сюр бөрсө мортъяммөдысь».

Тан вайөді ме батьлысь висьт,
Но эг, дерт, ставнас помөдз вайөд.
Роч муын сөвмөм коммунист,
Бур батьой, шудсө татчө вайөм.

Сэк комияслөн көсийөмтор
Стөч збыльмис, инасис вөй сьөлөм,
Герб вылө кыпөдчисны кор
Ёсь йыла чарла да ён мөлөт.

Бать кувсис. Месө код и пөт,
Пыр йывмис гөльуныслөн адас,
Ог вөтав батьлысь важъя вөт,
Көн эмнас вышитчө Канада.

А сідзкө мыйла мунны мем
Дас саридз сайө зарниясла?
Пыр шула тай: мый эмыс эм,
Ас муыд, кутшөм көть, век аслад.

КОМИ КНИГА ЙЫЛЫСЬ БАЛЛАДА

Тайӧ — важсятор нин,
Важсятор, а — выль.
Другъяс, тайӧ сёрни
Век на выль и збыль.

Петас коми книга,
Корсьӧ аслыс туй.
Недруг гольскас иган:
Эн пӧ ныртӧ суй!

Оз тай педз сы дыра,
Оз порогсӧ нирт —
Ӧчередьтӧг пырас
Магазинӧ спирт.

Йӧйталӧ да ворсӧ:
Спиртлӧн чин оз чин.
Предсельпо сэн горзӧ:
— Книга скӧнь оз ин!

Сэк жӧ Висер вожын
Йӧзыс жуглӧ юр:
Коми книга во джын
Корсям, но оз сюр.

Воліс пӧ Поповлӧн
Щугӧр сиктса зон...
Тадзсӧ шоча овлӧ,
Эсканныд кӧть он...

Бур библиотека
Ыджыдвидзын эм.
— Абу-ө тэ лекарь?—
Шуисны сэн мем.—

Коньөр Виттор висьö,
Бонзьöм кыкнан бок.
Шогсьö сикт, став Висер—
Делöйс зэв лёк...

Шойнатыö лэччис
Ыджыдвидзса ань,
Книжнöйданьö сетчис—
Могыс вöлі тан.

Пыр жö висерсалөн
Озйис куслöм лов:
Виттор бонзис налөн,
Тані— жив-здоров!

Савинтö куш кинад
Он на вöлöм босьт:
Книжнöй магазинас
Пöшти лыблiс кось.

Висерсалысь сийöс,
Быттьö кыйсьысь кань,
Нетшыштiс скөр киён
Нёбдiн сиктса ань.

Висерсаыс, кылö,
Лон норсьыс нор:
—«Лучаыс» öд сылөн
Висер вожса морт...

Мөдыс сәтчө пузис:
— Няргыны эн лысьт!
Он төд — сідзкө, узин —
«Тиукыс» нө кысь?..

Облпотребсоюзодз
Вонс нормөм ань.
Висьтъясыс көть кузьбсь —
Вомалісны! — Шань!

Аньос ань жө нерис:
— «Виттор!» Но и мый?
Сытөг кавалерыс
Эм на мөд. Мун кый!

Төлкныд тіян көні?
Но и кык йөй юр!
Ещө-й мырддысьбөны —
Мөд зон оз мөй сюр?..

Витторөс кө оз төд
Бөб төваровед,
Книгалы йөз костө
Кокныд туй оз шед.

КЫК СЫЛЫСЬ

Кык сылысь өткодь басаось;
Водз асыв и рыт сёр
Веж вёр пытшкё и ва сайёдз
Пыр юргё налён гор.

Эз кыптывлы сы вылаё
Шаляпинлён кыз бас,
И сьылём таысь мылаос
Ме эг на кывлы тась.

Му мёдар помёдз йёлёга
Выль кадлы сетё тон,
И содтё өдсё вёлёкас
Из шома эшелон.

Оз коскыс мудз турбиналён,
Лёз ваысь лэптё ток,
И ставсё йёзлы иналё,
Мед югзяс гөгөрбок.

Ме кыла нин и аддза нин —
Мелодияыс бур.
Со сэтчаньын и татчаньын
Выль карлён кыптё юр.

И пельтёмъяс тшётш кылёны.
Тадз сьывны ме ог куж.
А лёсьыда жё сьылёны
Советской морт да удж!

СЫЛЫСЬ ПӨЛЬ

Поэма

Жижев Васьлөн пöчыс, пöльыс
Вензёны нин быдса тöльыс.
Пöчыс:— Петан!
Пöльыс:— Ог!
Меодз тэныд ичöt мөг.
— Петан! Кыдз кöть вензё-а,
Кутан босьтны пенсия.
Тэд öд квайтымын да-й куим,
Нимлаун бöрад петны шуин.
Юрыд нöкъя, шондiбан!
Ныр вылад öд сунтшыктан.
— Тэ вот менö личкан мулань,
Пета кö, сэк дзик нин кула.
— Эн пет, пöльö, эн на кув!—
Васьлөн висьмис морöс ув.
Сийö тöдiс: Мишлөн дедыс
Петiс да, и смёртылы шедiс.
Со и кевмысö:
— Эн пет!
Тэтöг гажтöм лоö, дед.
Пöчö водзö дзуртö-дзуртö,
Быттьö кырласьö ныж пуртөн,
Сувтса сувтiс Ласьöй дед:
— Пета! Кула кö öд, мед!
Вася ньöв моз öшинь улас:
— Петкöдла тэд, дед кö кулас!—
Киас мöс колльöдан ньөр,

Ок и пӧчыс вылӧ скӧр.
Шогӧ уси коньӧр-мортӧй.
Бать-мам мунісны курортӧ,
Коді дорьяс? Отнас дзик,
Да и зэв на нчӧтик.

Ружтӧ Ласьӧй — нем он кер,
Дасӧд лун пенсионер.
— Кылан, пӧчӧ, кылан, мися?
Тӧдан кӧ ӧд — ёна-й вися.
Кувтӧдз видзӧдла Оз яг,
Гашкӧ-й, вая пув ли тшак.
Дедыс мунны кӧсйӧ ӧтнас;
«Висьӧмыс кӧ гуӧ вӧтлас?»
— Пӧльӧ, менӧ да-й тшӧтш босьт!
— Муна ылӧдз зэв, оз позь...
Водзвыв, лоас мый, он тӧд тай,
Со и коліс лун да-й мӧд да-й,
Коймӧдӧс нин ветлӧ дед.
Вася пӧчыслы:
— Ме тэд!
Пӧльӧйд тай тэныд шуліс:
Пенсиянас, гашкӧ-й, куліс?
Пӧчӧ сӧмын:
— Ок, ок, ок!
Ласьӧюшко, лок нин, лок.

Шуласны тай, вошныд кокныд,
Да зэв сьӧкыд бӧрсӧ локны.
Вот и дед эз во, да-й эз.
Морттӧ корсьӧ нин став грезд.
Корсьӧ пӧльӧс том и пӧрысь,
Корсьӧ ыбьяс вылысь, вӧрысь.
Равзӧ ягвыв, быттӧ йӧй,
Нерсьӧ йӧла:

— Ласьö-ой!

Быттö вöрын лёк би ярмис,
Мöдöдчöмны вит пöжарник,
Чож машина гöрдсьыс гöрд.

— Энлöй, оз-ö кодкö бöрд?

— Пельясыд нö кöнöсь тэнад?

Тайö чуксасьö сирена,

Оз-ö кыськö вошöм дед

Горзöм шыас вöрсьыс пет.

— Дыр-ö артасям да варгам!—

Пöрысь Ярö босьтöм сярган,

Быттö корсьö вошöм вöв,

Кöть и öлöдан, он öв.

Грездянь неылын вөр пытшкас

Тажъясьöма джуджыд вышка,

Пионеръяс тöрытсаянь

Пыр на шыалöны тан.

Найö узьлöнысö кор нö?

Весиг войнас юргысь горнөн:

— Ту-ру-ру! Ту-ру, ту-ру!—

Садьмöдлöны вөр и му.

Корсьö дедöс том и пöрысь

Орчча сиктъясысь и вöрысь.

Эз кöть тышкась-видчы-а,

Корсьö тшöтш милиция.

Кымынысь нин помысь-помö

Веж вөр весьттi, Оз яг вомөн

Вартчис-лэблiс вертолёт.

Абу шутка — вошис морт.

Кöть и корсьысьö став грездыс,

Век эз пет на шогысь мездысь.

Ок и луныс-войыс кузь,
Оз узь пöчö, Вась оз узь.
— Нэмнас некытчö эз вошлы,
Гашкö, гыжъяс сюри ошлы?
Зверыд буртортö оз вöч,—
Вомгорулас лöвтö пöч.
Васькöд, тöдад кö, мый вöчсьö!
Бусöдз изас эськö пöчсö:
— Дедöс певъяли лун-лун,
Мый нö корсьнысö он мун?
Не кö тэ öд, дед эз кув на,
Мед тэ коркö виньдан пувнас!
Тэ кö вошан, пöльöс моз
Оз на корсьны. Оз, оз, оз!

Васьлысь мөвпъяс огö торкöй,
Мый нö вöйпны дзоля мортöс?!
Дерт жö, шогыс кö эз су,
Пöчлы лөк кыв Вась эз шу.
Со тай век на лөксö öтнас:
— Воас бать, да асьтö вöтлам!
Оз ков меным тэ кодь пöчыд.
Пöльö вöли школа вöчысь.
Эз кö ло пенсионер,
Эз вен эськö немся зверь.

Дедöс немся зверь эз вен,
Мöдтор вöрас лоис сэн.
Кыдзкö сийöс вотчан туйыс
Выль посёлок дорöдз нунс.
Медводз аддзис сёлөн син
Ыджыд керка вöчанін.
Сэтчö-й тэрмасьöмөн мунис,
Тшак и вотöс сёлөн вунис.
— Олад-вылад!— шуис дед.

— Аслыд зэв пось чолём тэд!
— Кодлы та ыжда дворечсö?
— Школа тані кыптö-тэчсö.
— Сідз ме-й чайті, мися, школа.
Олам на тай, другъяс, олам!
— Ставыс вöлі эськö бур...

Курич пукталысь эз сюр.
Оти эськö-й миян вöлі,
Да вот висö пöшти тöлысь.
Здук эз коль, а со нин Ласьöй
Пестер тырнас куричасö,
Шуö:

— Уджалышта татөн,
Верманныд тшöтш пыртны штатö.
Онi, колöкö, и гижöй—
Нимöй Ласьöй, овöй Жижев.

Кöть оз мун, да мунны быть,
Пуяс костті рувгис рит.
Вöчöмторсьыс дедлы рад зэв,
Оз позь воштыны пö кадсö,
Гортлань босьтіс веськыд визь,
Туйтöг мыськышта пö сідз.
Пемдіс. Туйтöг мунны сьöкыд,
Да и кыйöдчöм нин рöкыс,
Жалитöмтö сійö оз тöд,
Дедлөн кокыс — вужля костö.
Ачыс уси кымыньöн.
Адöй! Лыйыштіс кок сөн.
— Татчö ог на кулöй,— шуö.
Кок пöв йылас пуысь пуö
Часнас, гашкö, нель сё метр
Сьöкыд туйсö каттис дед.
— Тадз эг «ворслы» на, но, трустö!
Татшöм «ворсöмыд» зэв мустöм.

Смерть, эн вѳтчы! Он на ви:
Кок кѳтъ ѳти, эм кык ки.
Украиннаысь джын мусѳ
Кынѳмѳн ме ниртлі бусѳдз.
Тась, ог верит, мый ог пет!
Пета! Нярган шы ог сет.

Ыбъяс помысь коймѳд рытѳ
Аддзис Ярѳ:
— Со тэ кытѳн!
Корсьыся жѳ. Чайтан, нярга?
Не кѳ менам варов сярган,
Эн на эськѳ вѳрсьыс пет.
Веськыда ме шуа тэд.
Сэссия бурдѳдчыны карѳ
Дедѳс кольбѳдїс тшѳтш Ярѳ.

Бурдѳдчис. Бѳр воис Ласьѳй,
Пѳся-пѳся кутліс Васьѳс.
Пѳчлы шуис:
— Пув эз во,
Ачым век на ловъя со.
Пенсиянад тай он чужъясь,
Пыр и конйыштас лѳк вужля.
Кулѳмсьыд ме ѳна пола,
Сѳ пѳв бурджык вѳчны школа.
Уджалышта, эм на вын.
Пѳчѳ татчѳ — кыв ни джын.
Дедлы тайѳ-й вѳлі колѳ:
Бара уджалѳ да олѳ.

Сэссия-й локтїс ѳтчыд коркѳ,
Вомгор улас сьылѳ-боргѳ,
Пѳчлы шуѳ:
— Гѳтыр, кылан?

Ог өд ме, а сьөлөм сьылө!—
Мыччис быдса ки тыр сьөм,—
Ньоб выль сарапан, выль көм.
Сөмын кыз коть шензы-а,
Тайө абу пенсия.
Тодан кө өд, тайө, зон,
Воддза бөрын уджысь дон!
Кодыр мортлөн сьылө сьөлөм,
Сэк на тай и овныс, вөлөм!

ЮРИНДАЛЫСЬ

Тэ менам дор и шӧр	3
Менам маяк	5
Ас му дінӧ кыв	6
Бурсиӧм	8
Эм менам ставыс, эм	9
Музакӧд	10
Пӧсьлун	11
Бур йӧз ради	12
Чужан му радейтысьяс	13
«Катюша»	14
Пролетарлы кыв	16
Мӧд Пётр	17
Тэ пыр на ловъя	18
Сёзӧлӧтӧй	19
Рӧдвуж	20
Муса поэтлы	21
Ки эг лэптӧй	22
Вӧлі медбӧрря залпьяса тулыс	23
«Лоны враг водзын куканьӧн...»	24
Веж сорса слуда	25
Бурьяс, локтӧй!	26
Сям йылысь кыв	27

Кык отсӧг	28
Пӧрысь столяр	29
Воськов бӧрся воськов	30
Другасьӧм	31
Вокъяс	32
Кӧсйӧм	34
Ас мулӧн пасъяс	35
Муза чуксалис ӧтчыд	36
«Чомӧр сӧйны ме ог мун...»	37
Мем сӧні окота на овны	38
«Бурсиа тӧд шонді бердсянь...»	39
Медся прамӧй	40
Кылӧдчӧм	42
Ӧвсьы, другӧ, ӧвсьы	44
Кодыр мирын кӧнкӧ зыка	46
«Пӧшти быд лӧбач зӧв сьылысь...»	47
«Суседлӧн ӧдзӧс ӧти паса...»	48
Мед мича, бур мӧвп сетны тӧд	49
Пищаль	50
Выль чужысьлы	51
Бур туй тӧд, лышкыд багатыр!	52
«Йӧй арлыднад тай кокныдасьялан...»	53
Лыдпасъяс йылысь	54
Татшӧмыс дзик ӧти на	55
Овлӧ — сьӧлӧм сьӧдасьялывлӧ	56
Коми книгагы	57
Сьӧлӧмъяслӧн йитӧд	58
Сӧвесть менӧ йирӧ	59

Эн, эн вөрөд!	61
Мыйла ме сэтшөм?	62
Сувениръяс	63
«Эн чайт, мый тэ кө лэдзан вөр...»	64
Батьлөн висьтысь	65
Коми книга йылысь баллада	66
Кык сьылысь	69
Сьылысь пöль (поэма)	70

Иван Михайлович Вавилин

Стихотворения

Поэма

На коми языке

Художник А. В. Мошев

Редактор В. А. Попов

Художественный редактор С. А. Холопов

Технический редактор А. Н. Вишнева

Корректор А. А. Надуткина

Сдано в набор 22/XII-1972 г. Подписано к печати 7/III-1973 г. Формат 60×90^{1/32}. Бум. л. 1,25; печ. л. 2,5. (Уч.-изд. л. 2,55). Ц00670. Заказ № 538. Тираж 1800. Цена 42 коп. Бумага № 1. Коми книжное издательство. Сыктывкар, Дом печати.

г. Сыктывкар, Республиканская типография
Управления по делам издательств, полиграфии и книжной торговли
Совета Министров Коми АССР.

